



En lünesc, ai 29.10.2018 complësc **Carlo Irsara** de Damez **89** agn. Le Senioreclub y düta la Comunité ti aoda dü't le bun, sanité y benedisciun de Dî.

Racoiüda dla Caritas; i sac dal guant mëss gní dá jö sön plaza dl implant portamunt Piz La Ila dal vëndres 9 de novèmber dales 15:00 inant cina la sabeda ai 10 de novèmber cina les 10:00.



Le Sorvisc ai Jogñ lascia alsavèi che tratan l'edema da Gnissant (lönesc 29 d'otober ala jöbia 1 de novèmber) é l'ufize y i locai di jogñ fora por i paisc stluc. Le zënter dla jonëza y dla cultura Saj.un a La Ila restará davert.

Curs de ingleje; le KVV de Badia organisëia ciamó dui cursc de ingleje por progredís (*Pre-Intermediate* y *Intermediate*) che scomëncia ai 5 y ai 6 de novèmber te biblioteca a Pedraces. Informaziuns y prenotaziuns pro Cristina al nr. 333 1591599.

La vita é tēmp
da chirí Chëlbeldî

La mort é tēmp
da ciafé Chëlbeldî

L'eternité é tēmp
da gode Chëlbeldî



Plata dla Ploania Badia

San Iaco - San Linert

Ploan: **Siur Iaco Wendelin Willeit**
Colonia Badia: **0471/839571**
E-Mail: parrocchiabadia@libero.it
Radio dla Ploania: **91,10 Mhz**

UNITÉ PASTORALA




www.unitepastorala.org

Ann „B“ 28.10. - 04.11.2018 30ª Domènia dl Ann n. 48

Festa de Gnissant

Heilige werden
nicht geboren,
sondern durch
die Gnade
allmählich
gebildet



Vangele dla Festa de Gnissant dl ann „B“

Mat. 5, 1-12

Te chël tēmp, canche Gejú odô le grôm de jënt, él jü sön na munt. Al s'á senté jö, y sü discepui ti é jüs pormez. Spo ál metù man da baié y i istruf. Al á dit: Beac, chi che é pürí dan da Idî; deache de d'èi é le règn dl cil. Beac, chi che plüra; deache ai gnará consolá. Beac, chi che é saurisc; deache ai arpará la tera. Beac, chi che á fan y sëi do la iustizia; deache ai gnará pascentá. Beac, i misericordiusc; deache ai ciafará misericordia. Beac, chi che á n cör nèt; deache ai odará Idî. Beac, chi che fej pesc; deach'an ti dijará fis de Dî. Beac, chi che vëgn porseghitá por gauja dla iustizia; deache de d'èi é le règn dl cil. Beac sëise os, sc'i gnëis dejonorá y porseghitá y scraia fora a vigni manira por mia gauja. Ralegresse y iubiled: Osc paiamënt tl cil sará gran.

FUNZIUNS SACRES

28.10. 30^a DOMÈNIA dl Ann B

- 10.00 Mëssa Grana
†ti Paolo y Emilia Pitscheider - ora da d'invern -
†to Giuseppe Burchia
- 15.00 Ora de adoraziun
- 18.00 †to Friedl Valentin – aniversar
†ti Zisca y Vijo Canins
†to Lois Pitscheider da Rainé

30.10. Mertesc

- 19.30 †to Carlo Pallestrong
†tes Nane y Maria Nagler
por fam. Linert y Maria Irsara

31.10. Mercui - S. Wofgang

- 19.30 †to Paul Valentini de Pic'Tita
†ti Maria Adang y Gerolamo Grigoletto
por fam. Paula Bernardi en onur a S. Maria

01.11. Jöbia - FESTA de GNISSANT

- 10.00 Mëssa ciantada en onur de düc i Sanc
†ti Antonia y Hermann Nagler
†tes Hedwig, Angela y Zenzl Costa
†ti Teresa, Nando y Pasquale Valentin / †ti d'Andrac
- 14.00 Öspi da Gnissant – Funziun di morc y vijita ala curtina
- da sëra degüna mëssa -

02.11. Vëndres - DE dles ANIMES / Comemoraziun di defunc

- 09.00 Requiem por düc i morc dla Cüra y vijita ala curtina
†ta Maria Anvidalfarei Palumbo
vis y †ti de Florino / por fam. Tone y Hildegard Tavella

03.11. Sabeda – S. Hubert

- 16.00 Mëssa a Oies

04.11. 31^a DOMÈNIA dl Ann – De de rengraziamënt dla racoiüda

FESTA de S. LINERT

- 09.00 Mëssa ciantada en onur de S. Linert
†to Erich Dapunt
†to Sepl Tavella
- 10.45 *Sfilada cun i ciavai y benedisciun*
- 18.00 †ta Erna Dapunt
†ta Waltraud Wieser
por les animes dl purgatore

Dala VITA dla CÜRA

GNISSANT

Metede averda al orar dles mësses de chëst'edema:

Mercui (Vöia de Gnissant) dales **19.30**

Gnissant dales **10.00** y **degüna** da sëra

De dles Animes y en domënia festa de **S. Linert** dales **09.00**

Confesciuns

Domënia, ai 28 de otober dales 17.00 ales 18.00
Mercui, vöia de Gnissant dales 08.00 y dales 18.00
Festa de Gnissant dales 08.00 y dales 15.00

Induliënza

Tratan l'edema da Gnissant pól gní vadagné na induliënza por i defunc, cun vijita ala curtina y ales condiziuns conosciüdes.



La proscima **Preparaziun al Bato** sará en sabeda, ai 10 de novëmer dales 15:00 te calonia a S. Ciascian, Prenotese al nr. 0471/849372.

Prüma Comuniun: en mertesc, ai 6 de novëmer 2018, sarál dales 20:15 te scora na incuntada cun i geniturs di neocomunicanc 2019.

Comuniun ai amará: siur Degan jará a proveder en mertesc, ai 30 de otober dales 09:30 inant.

Rorate: al é bel sëgn da ponsé al Advënt. Porchël periunse i rapresentanc dles uniuns y grups che arjigna ca les mësses di Rorate da gní te calonia por fá fora la data dejiderada, y insciö ince i cors y grups che se mët a desposiziun por cianté y soné.

Oferta: dër bel giulan dl'offerta de € 582.72 che é gnüda trata ite l'ultima domënia y che vá ales misciuns.